

**Naaja H. Nathanielsen  
Attaviitsoq**

**UPA 2016/104, 106, 107, 108  
Naaja H. Nathanielsen**

**Atomip nukinganik pissuteqartumik ajutoortoqartillugu imaluunniit qingnornernik ulorianartunik pissuteqartumik ajornartorsiuteqartoqalersillugu ikiuinissaq pillugu Det Internationale Atomenergiagenturimi isumaqatigiisummut Danmarkip akuersinera pillugu inatsisip Kalaallit Nunaanni atuutilersinneqarnissaa pillugu peqqussummut oqaaseqaat pillugu Inatsisartut aalajangiiffigisassaattut Siunnersuut.**

(Inuussutissarsiornermut, Suliffeqarnermut Niuernermut Nunanullu Allanut Naalakkersuisoq)

**Uunga siunnersuut: Tunisassianik marloqiusamik atorneqartartunik avammut annissuineramik nakkutiginnineq pillugu Kalaallit Nunaannut inatsisissatut siunnersuummut oqaaseqaateqarnissaq pillugu Inatsisartut aalajangiiffigisassaattut siunnersuut.**

(Inuussutissarsiornermut, Suliffeqarnermut Niuernermut Nunanullu Allanut Naalakkersuisoq)

**Atomip nukinganik atortussianik sorsunnerunngitsumut atuineramik nakkutilliineq pillugu Kalaallit Nunaannut inatsisissatut siunnersuummut oqaaseqaateqarnissaq pillugu Inatsisartut aalajangiiffigisassaattut siunnersuut.**

(Inuussutissarsiornermut, Suliffeqarnermut Niuernermut Nunanullu Allanut Naalakkersuisoq)

**Pinerluuteqarsimasunik tunniussisinnaatitaaneq pillugu inatsisip allanngortinneqarneranik inatsisit ilaasa Kalaallit Nunaannut atuutilersinneqarnerannik kunngip peqqussutaanut Namminersorlutik Oqartussat oqaaseqaateqarnissaat pillugu Inatsisartut aalajangiiffigisassaattut siunnersuut.**

(Inuussutissarsiornermut, Suliffeqarnermut Niuernermut Nunanullu Allanut Naalakkersuisoq)

Isumaqarpunga, nunami maani uran pillugu isummat aveqqasorujussuunerat piviusuusoq isiginngitsuusaaginnarsinnaanngikkipput. Aamma isumaqarpunga, tamatut aveqqanerup politikikkut pikkorluttorujussuarmik aaqqinniarneqarnera piviusuusoq isiginngitsuusaaginnarsinnaanngisarput. Isumaqatigiinnginnerup alaannarnera iluaqutaasinnaanngilaq. Tassanngaannaq peerukkunnanngilaq. Uramut akerliuneq partipolitikkim itinerujussuarmik peqquteqarpoq. Akerliuneq uranimik atueqqusiunnaarnerup atorunnaarsinneqarneratali kingorna uninngiivissorpoq nipangiunneqarsinnaanilu. Aaqqiagiinnginneq qimarratiginagu qaqittariaqarparput. Taamaattumik isumaqarpunga, siunnersuutit ukua piffissami eqqunngilluinnartumi saqqummiunneqartut. Aaqqiagiinnginnermik matusiinnarniarnerput attanneqarsinnaanngilaq aammalu tamanna aningaasaliissuteqarniarnerup anersaavanik ipititsiniarneruvoq. Politikikkut suliassarput siulleq tassaavoq, uran pillugu apeqqutini eqqissisaassalluta. Partii tungavilersuutaat uteqattaartuurtut tusareerpagut. Kisianni innuttaasut nipaata tusassallugu amigaatigaarput. Isumaqarpunga, innuttaasunit piginnaatinneqarata isumaqatigiisutinik ukutut ittunik piffissaajarneq isumaqanngitsoq. Siunnersuutit uku aatsitassanik radioaktiviusunik paaanissamik innuttaasunik taasisitserernerup kingorna siunnersuutit uku ittujaarneqarallasasut inassutigaa. Aatsitassanik radioaktiviusunik paaaneq avammullu tunisassiorneq qanorluunniit isumaqarfigaluaaraanni ersarissumik takuneqarsinnaasariaqartoq tassaavoq, kusserngiorani ikaartarfiliortoqartoq. Ikaartarfiliorneq innuttaasunik taasisitsineramik aallartissaaq.